

PEKELILING PENTADBIRAN BIL. 27/2008

SKIM FELLOW UNIVERSITI TEKNIKAL MALAYSIA MELAKA

Pekeliling ini bertujuan untuk memaklumkan kepada semua staf Universiti Teknikal Malaysia Melaka berkenaan dengan Skim Fellow di UTeM.

2.0 Dengan segala hormatnya dimaklumkan bahawa Mesyuarat Lembaga Pengarah Universiti Bil. 2/2008 yang telah diadakan pada 5 Jun 2008 telah meluluskan Skim Fellow Universiti Teknikal Malaysia Melaka sebagai salah satu kaedah penajaan bukan staf untuk bercuti belajar. Skim ini adalah di bawah bidang kuasa Panel Cuti Belajar Universiti Teknikal Malaysia Melaka termasuk pemilihan dan temuduga bagi pelantikan Fellow. Walau bagaimanapun, pelantikan mereka sebagai staf setelah tamat pengajian adalah tertakluk kepada keputusan Jawatankuasa Pemilih bagi staf akademik.

3.0 Skim ini diwujudkan sebagai salah satu kaedah Universiti mencapai Perancangan Strategik Universiti dan Kementerian Pengajian Tinggi untuk mendapatkan 50% staf yang berkelayakan Ijazah Doktor Falsafah di UTeM. Staf yang mampu memperlihatkan prestasi yang baik dalam tempoh pelantikannya sebagai Fellow boleh dilantik di perkhidmatan UTeM setelah tamat pengajiannya di jawatan akademik yang setara dengan latar belakang dan pengalamannya dengan ikatan kontrak perkhidmatan sebagai ganti penajaan. Walaupun begitu, Universiti mempunyai hak untuk tidak melantik mereka ke perkhidmatan UTeM dan mereka boleh dikenakan tindakan bayaran gantirugi seperti yang ditetapkan.

4.0 Skim Fellow adalah seperti yang dilampirkan di **Lampiran 1**. Buku Panduan Skim Fellow juga telah diedarkan ke setiap Pusat Tanggungjawab untuk rujukan.

5.0 Pekeliling ini berkuat kuasa mulai dari tarikh 5 Jun 2008.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah

HASAN BIN SIRUN

Pendaftar

/afm

sk Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Pegawai-pegawai Kanan